



# Содержание

О чтении Псалтири .....	5
Молитвы перед началом чтения Псалтири.....	7
Кафизма 1.....	11
Кафизма 2.....	22
Кафизма 3.....	35
Кафизма 4.....	50
Кафизма 5.....	65
Кафизма 6.....	78
Кафизма 7.....	94
Кафизма 8.....	109
Кафизма 9.....	121
Кафизма 10.....	134
Кафизма 11.....	149
Кафизма 12.....	165
Кафизма 13.....	178
Кафизма 14.....	191
Кафизма 15.....	204
Кафизма 16.....	217
Кафизма 17.....	229

Кафизма 18 .....	245
Кафизма 19 .....	257
Кафизма 20 .....	271

Молитвы по прочтении

нескольких кафизм или всей Псалтири .....	283
---	-----

## О чтении Псалтири

Псалтирь — одна из книг Священного Писания — Библии. Так же называется струнный музыкальный инструмент, напоминающий по форме и по звучанию арфу или гусли. В Псалтири сто пятьдесят один псалом. Большинство из них оставлены нам святым пророком и царем Давидом, жившим в начале первого тысячелетия (XI–X вв.) до Р. Х.

Псалтирь всегда занимала важное место как в церковном богослужении, так и в частных молитвах христиан. Она разделена на двадцать, примерно равных по объему частей, называемых кафизмами, каждая кафизма, в свою очередь, разделена на три части, которые называются «статии», или «славы» (второе наименование происходит от словословия, завершающего каждую статью).

Во время домашнего чтения Псалтири можно добавлять поминовение живых и усопших. В этом случае молитвословия в конце статей читают следующим образом.

На первой «славе»:

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

**Спаси, Господи и помилуй рабов Твоих** *(имена)*,

и ныне и присно и во веки веков. Аминь.

На второй «славе» после второго словословия «Слава Отцу и Сыну и Святому Духу» поминаются усопшие: **Упокой, Господи, души усопших раб Твоих** *(имена)* — и далее: и ныне и присно и во веки веков. Аминь.

На третьей «славе» молитвословия читаются без добавления поминовения.

Как именно читать Псалтирь: один раз или несколько, сразу всю или частями, если частями, то какими, — все это необходимо определять каждому для себя в зависимости от своих возможностей.

## Молитвы перед началом чтения Псалтири

Моли́твами святы́х оте́ц на́ших, Го́споди Иису́се Христé Бóже наш, помíлуй нас. Амíнь.

Царю́ Небéсный, Утéшителю, Ду́ше и́стины, И́же вездé сый и вся исполня́й, Сокрóвище благíх и жízни Подáтелю, прииди́ и всели́ся в ны, и очíсти ны от вся́кия сквэрны, и спаси́, Бла́же, ду́ши на́ша.

Святы́й Бóже, Святы́й Кре́пкий, Святы́й Безсме́ртный, помíлуй нас. *(Читается трижды, с крестным знаменем и поясным поклоном.)*

Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в. Амíнь.

Пресвята́я Трóице, помíлуй нас; Го́споди, очíсти грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

### **Тропари, глас 6:**

Помилуй нас, Господи, помилуй нас, всякаго бо ответа недоумеюще, сию Ти молитву яко Владыце грешнии приносим: помилуй нас.

Слава Отцу и Сыну и Святому Духу. Честное пророка Твоего, Господи, торжество, Невбо Церковь показа, с человеки ликуют Ангели. Того молитвами, Христе Боже, в мире управи живот наш, да поем Ти: Аллилуиа.

И ныне и присно и во веки веков. Аминь. Многая множества моих, Богородице, прегрешений, к Тебе прибегах, Чистая, спасения требуя: посети немощствующую мою душу и моли Сына Твоего и Бога нашего дати ми

оставлѣние, яже содѣях лю́тых, Еди́на Благо-  
словѣнная.

Господи, помилуй (40 раз).

*И поклоны, сколько хочешь.*

*Затем молитва Святой Живоначальной  
Троице:*

Всесвятая Троице, Бо́же и Содѣтелю все-  
го́ міра, поспеши́ и напра́ви се́рдце моё, на-  
ча́ти с ра́зумом и конча́ти де́лы благо́ми бо-  
годухновенныя сия́ кни́ги, яже Святы́й Дух  
усты́ Дави́довы отры́гну, ихже ны́не хо́щю  
глаго́лати аз, недосто́йный, разумѣя же своё  
невѣжество, припа́дая молю́ся Ти, и е́же от  
Тебе́ по́мощи прося́: Господи, упра́ви ум мой  
и утверди́ се́рдце моё, не о глаго́лании устѣн  
стужа́ти си, но о ра́зуме глаго́лемых весели́-  
тися, и пригото́вится на творѣние до́брых  
дел, яже учу́ся, и глаго́лю: да до́брыми де́-  
лы просвещѣн, на суди́щи десны́я Ти стра-  
ны́ прича́стник б́уду со все́ми избра́нными  
Твои́ми. И ны́не, Влады́ко, благослови́, да,  
воздохну́в от се́рдца, и язы́ком воспою́, гла-  
го́ля си́це:

Прииди́те, поклони́мся Царѣви на́шему  
Бо́гу.

Приидите, поклонимся и припадём Христу́, Царéви нáшему Бóгу.

Приидите, поклонимся и припадём Самому́ Христу́, Царéви и Бóгу нáшему.

*(Затем постой немного в тишине, пока не успокоятся мысли и чувства. И неспешно приступай к молитвенному чтению кафизмы, не лентясь сосредоточиться и вникнуть в смысл, с верой и сокрушенным сердцем обратись к Богу.)*

# Кафизма 1

## Псалом Давиду, не надписан у еврей, 1.

- <sup>1</sup> Блажен муж, иже не иде на совет нечестивых  
и на пути грешных не ста, и на сядалищи гу-  
<sup>2</sup> бителей не седе, но в законе Господни во-  
ля его, и в законе Его поучится день и ночь.  
<sup>3</sup> И будет яко древо насажденное при исходя-  
щих вод, еже плод свой даст во время свое,  
и лист его не отпадет, и вся, елика аще тво-  
<sup>4</sup> рит, успеет. Не тако нечестивии, не тако, но  
яко прах, егже возметает ветер от лица зем-  
<sup>5</sup> ли. Сего ради не воскреснут нечестивии на  
<sup>6</sup> суд, ниже грешницы в совет праведных. Яко  
весть Господь путь праведных, и путь нече-  
стивых погибнет.

## Псалом Давиду, 2.

- <sup>1</sup> Вскую шаташася языцы, и людие поучишася  
<sup>2</sup> тщетным? Предсташа царие земсти, и кня-  
зи собрашася вкупе на Господа и на Христа  
<sup>3</sup> Его. Расторгнем узы их и отвержем от нас  
<sup>4</sup> иго их. Живый на Небесех посмеется им,

5 и Господь поругается им. Тогда возглаголет  
 к ним гневом своим и яростию Своею смя-  
 6 тёт я. Аз же поставлен есмь Царь от Него над  
 7 Сионом, горюю святою Его, возвещаая пове-  
 ление Господне. Господь рече ко Мне: Сын  
 8 Мой еси Ты, Аз днесь родих Тя. Проси от Ме-  
 не, и дам Ти языки достояние Твое, и одер-  
 9 жание Твое концы земли. Упасеши я жезлом  
 железным, яко сосуды скудельничии сокруши-  
 10 ши я. И ныне, цари, разумейте, накажите-  
 11 ся вси судящии земли. Работайте Господе-  
 ви со страхом и радуйтеся Ему с трепетом.  
 12 Примите наказание, да не когда прогнева-  
 ется Господь и погибнете от пути праведна-  
 го, егда возгорится вскоре ярость Его. Бла-  
 жени вси надеющиеся Нань.

1 **Псалом Давиду,  
 внегда отбегаше от лица Авессалом,  
 сына своего, 3.**

2 Господи, что ся умножиша стужающии ми?  
 3 Мнози востают на мя, мнози глаголют души  
 4 моей: несть спасения ему в Бозе его. Ты же,  
 Господи, Заступник мой еси, слава моя и воз-  
 5 носяй главу мою. Гласом моим ко Господу

воззва́х, и услы́ша мя от горы́ святы́я Своея́.  
6 Аз усну́х, и спах, воста́х, яко Господь засту́-  
7 пит мя. Не убою́ся от тем людéй, о́крест на-  
8 па́дающих на мя. Воскресни́, Го́споди, спаси́  
мя, Бо́же мой, яко Ты порази́л еси́ вся вра-  
жду́ющия ми всу́е: зу́бы грéшников сокру-  
9 шил еси́. Господне есть спасéние, и на лю́дех  
Твои́х благословéние Твоё.

Сла́ва Отцу́ и Сы́ну и Свято́му Ду́ху,  
и ны́не и прísно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва  
Тебе́, Бо́же. *(Трижды)*

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху,  
и ны́не и прísно и во ве́ки веко́в. Ами́нь.

1 **В ко́нec, в пéснec,  
псалóм Дави́ду, 4.**

2 Внегда́ призвати́ ми, услы́ша мя Бог правды  
моея́, в ско́рби распроcтрани́л мя еси́, ущéдри  
3 мя и услы́ши моли́тву мою́. Сы́нове челове́-  
чести́и, доко́ле тяжкосе́рдии? Вску́ю любите  
4 суету́ и ищите лжи? И увéдите, яко удиви́ Гос-  
подь преподóбнаго Своего́: Господь услы́шит  
5 мя, внегда́ воззва́ти ми к Нему́. Гне́вайтесь,

и не согрешайте, яже глаголете в сердцах ва-  
 6 ших, на ложах ваших умилитесь. Пожрите  
 7 жертву правды и уповайте на Господа. Мно-  
 зи глаголют: кто явит нам благая? Знамена-  
 8 ся на нас свет лица Твоего, Господи. Дал еси  
 веселие в сердце моем: от плода пшеницы,  
 9 вина и елеа своего умножишася. В мире вку-  
 пе усну и почию, яко Ты, Господи, единого на  
 уповании вселил мя еси.

1 **О наследствующем,  
 псалом Давиду, 5.**

2 Глаголы моя внуши, Господи, разумей звание  
 3 мое. Вонми гласу моления моего, Царю мой  
 и Боже мой, яко к Тебе помолюся, Господи.  
 4 Заутра услыши глас мой, заутра предстану  
 5 Ти, и узриши мя. Яко Бог не хотяй беззакон-  
 ния, Ты еси: не приселится к Тебе лукавну-  
 6 яй, ниже пребудут беззаконницы пред очь-  
 ма Твоима: возненавидел еси вся делающия  
 7 беззаконие. Погубиши вся глаголющия лжу:  
 8 мужа кровей и лстыва гнушается Господь. Аз  
 же множеством милости Твоея, вниду в дом  
 Твой, поклонюся ко храму святому Твоему,  
 9 в страхе Твоем. Господи, настави мя правдою

Твоёю, враг моих ради исправи пред Тобою  
10 путь мой. Яко несть во устех их истины, сердце  
их суетно, гроб отверст гортань их: язы-  
11 ки своими лъщаху. Суди им, Боже, да отпа-  
дут от мыслей своих, по множеству нечестия  
их изрини я, яко преогорчиша Тя, Господи.  
12 И да возвеселятся вси уповающи на Тя, во  
век возрадуются, и вселишия в них, и похва-  
13 лятся о Тебе любящии имя Твое. Яко Ты бла-  
гословиши праведника, Господи: яко оружи-  
ем благоволения венчал еси нас.

1 **В конец,  
в пснех о осмом,  
псалом Давиду, 6.**

2 Господи, да не яростию Твоею обличиши ме-  
3 не, ниже гневом Твоим накажеш менé. По-  
милуй мя, Господи, яко немощен есмь, ис-  
цели мя, Господи, яко смятóшася кости моя.  
4 И душа моя смятёся зело: и Ты, Господи, до-  
5 ко́ле? Обратися, Господи, избáви дúшу мою:  
6 спаси мя ради милости Твоея. Яко несть  
в смёрти поминаяй Тебé: во áде же кто ис-  
7 повéстся Тебé? Утрудихся воздыханием мо-  
им, измыю на всяку ночь ложе моё, слезами

8 мойми постѣлю мою омочу́. Смятѣся от я́ро-  
сти о́ко моѣ, обетша́х во всех вразѣх мойх.  
9 Отступите от менѣ, вси дѣлающии беззакó-  
ние, яко услы́ша Господь глас пла́ча моего́:  
10 услы́ша Господь молѣние моѣ, Господь мо-  
11 литву мою́ прият. Да постыдѣ́тся и смяту́т-  
ся вси врази́ мой, да возвратѣ́тся и устыдѣ́т-  
ся зело́ вскорѣ.

Сла́ва Отцу́ и Сы́ну и Свято́му Ду́ху,  
и ны́не и прѣсно и во ве́ки веко́в. Амѣнь.

Аллилу́иа, аллилу́иа, аллилу́иа, сла́ва  
Тебе́, Бо́же. *(Трижды)*

Го́споди, помѣлуй. *(Трижды)*

Сла́ва Отцу́ и Сы́ну и Свято́му Ду́ху,  
и ны́не и прѣсно и во ве́ки веко́в. Амѣнь.

1 **Псаломъ Давиду,  
его́же воспѣ́т Го́сподеви  
о словесѣ́х Хусіевыхъ,  
сы́на Иемѣнина, 7.**

2 Го́споди Бо́же мой, на Тя упова́х, спаси́ мя  
3 от всехъ гонѣ́щихъ мя и изба́ви мя: да не когда́  
похититъ, яко левъ, ду́шу мою́, не сущу́ избав-  
4 ляющу, ниже́ спаса́ющу. Го́споди Бо́же мой,  
а́ще сотвори́хъ сие́, а́ще есть неправда́ в руку́

5 моёю, аще въздѣх въздающим ми зла, да от-  
 6 паду́ ўбо от враг моих тощ. Да поженёт ўбо  
 враг дѹшу мою и да постигнет, и поперёт  
 в зѣмлю живѳт мой, и славу мою в персть  
 7 вселит. Воскресни́, Гѳсподи, гнѣвом Тво-  
 им, вознесися в концѣх враг Твоих, и вос-  
 тѣни, Гѳсподи Бѳже мой, повелѣнием, им-  
 8 же заповѣдал еси́. И сонм людѣй обыдет Тя,  
 9 и о том на высотѹ обратися. Господь сѹдит  
 людем: суди́ ми, Гѳсподи, по правде моёй,  
 10 и по незлѳбе моёй на мя. Да скончается злѳ-  
 ба грѣшных, и исправиши праведнаго, ис-  
 пытѣяй сердца́ и утрѳбы, Бѳже, праведно.  
 11 Пѳмощь моя́ от Бѳга, спасающаго правыя  
 12 сѣрдцем. Бог судитель праведен и крѣпок,  
 и долготерпелив, и не гнев наводѣй на всяк  
 13 день. Аще не обратитѣся, ору́жие Своѣ очѣ-  
 14 стит, лук Свой напряжѣ и угѳтова́ и́ и в нем  
 угѳтова́ сосѹды смѣртныя, стрѣлы Своѣ ста-  
 15 раемым содела́. Се болѣ неправдою, зачат  
 16 болѣзнь, и роди́ беззакѳние: ров изры́, и ис-  
 17 копа́ и́, и падѣт в яму́, ю́же содела́. Обратитѣ-  
 ся болѣзнь егѳ на главѹ егѳ, и на верх егѳ не-  
 18 правда егѳ снѣдет. Исповѣмся Гѳсподеви по  
 правде Егѳ и пою́ имени Гѳспода Вышняго.

1 **В конѣц, о точі́лех,  
псалом Даві́ду, 8.**

2 Гóсподи, Госпóдь наш, я́ко чúдно і́мя Твоѣ  
по всей землі́, я́ко взятся великолѣ́пие Твоѣ  
3 превы́ше небѣс. Из уст младѣ́нец и ссúщих  
совершил еси́ хвалу́, враг Твои́х ра́ди, е́же  
4 разруши́ти врага́ и мѣстника. Я́ко узрю́ не-  
беса́, дела́ перст Твои́х, луну́ и звѣзды, я́же  
5 Ты основа́л еси́. Что есть челове́к, я́ко по-  
мниши егó? или́ сын челове́чь, я́ко посеща́е-  
6 ши егó? Ума́лил еси́ егó ма́лым чим от а́нгел,  
7 сла́вою и че́стию венча́л еси́ егó. И поста́вил  
еси́ егó над де́лы руку́ Твоѣю, вся покорил  
8 еси́ под но́зе егó. О́вцы и во́лы вся, ещѣ́ же  
9 и скоты́ польскі́я, пти́цы небѣсны́я и ры́бы  
10 морскі́я, прехо́дящія стези́ морскі́я. Гóс-  
поди, Госпóдь наш, я́ко чúдно і́мя Твоѣ по  
всей землі́.

Сла́ва Отцú и Сы́ну и Свято́му Дúху,  
и ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва  
Тебе́, Бо́же. *(Трижды)*

Гóсподи, помилуй. *(Трижды)*

Сла́ва Отцú и Сы́ну и Свято́му Дúху,  
и ны́не и прісно и во ве́ки веко́в. Ами́нь.

## ***По 1-й кафизме:***

Святы́й Бо́же, Святы́й Кре́пкий, Святы́й Безсмертны́й, поми́луй нас. *(Трижды)*

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Трѳице, поми́луй нас; Го́споди, очисти грехи́ на́ша; Влады́ко, прости́ беззако́нія на́ша; Святы́й, посети́ и исцели́ немо́щи на́ша, імене Твоего́ ра́ди.

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Отче наш, Іже еси́ на Небесѳх! Да святі́тся імя Твое́, да приидет Цѳрствие Твое́, да бу́дет во́ля Твоя́, јако на Небеси́, и на земли́. Хлеб наш насущны́й даждь нам днесь; и оста́ви нам до́лги на́ша, јакоже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

### **Тропари, глас 1:**

В беззако́ниих зача́вся аз, блудны́й, не дерза́ю взирати́ на высоту́ Небесну́ю, но, дерза́я

на человеколюбіе Твое, зову: Бóже, очисти мя, грéшнаго, и спаси́ мя.

Аще праведник едва́ спаса́ется, аз где явлю́ся, грéшный? Тяготы́ и знóя дневна́го не понесóх, но с наёмники единонадесятаго часа́ сопричти́ мя, Бóже, и спаси́ мя.

Сла́ва Отцу́ и Сы́ну и Свято́му Ду́ху. Объятія О́тча отвёрсти ми потщи́ся, блудно моё ижди́х житіе, на богáтство неиздивáемое взира́яй щедро́т Твои́х, Спа́се, ны́не обнищáвшее моё да не прэзриши се́рдце. Тебе́ бо, Го́споди, умилéнием зову́: согреси́х на Не́бо и пред Тобóю.

И ны́не и прісно и во ве́ки веко́в. Ами́нь. Уповáние христиáн, Пресвятáя Дéво, Егóже родила́ еси́ Бо́га па́че ума́ же и сло́ва, непреста́нно моли́ с го́рними си́лами да́ти оставле́ние грехо́в нам всем и исправле́ние жити́я, ве́рою и любóвию прісно Тя чту́щим.

Го́споди, помилуй (*40 раз*)

*и молитва:*

Влады́ко Вседержи́телю, Непостижи́ме, нача́ло све́та и преу́мная си́ло, Ё́же Ипостáснаго Сло́ва Оте́ц и единосильнаго Твоего́ Ду́ха испуститель: милосе́рдныя ра́ди ми́лости

и неизреченныя благасти не презревый чело-  
веческаго естества, тмою греха содержимаго,  
но Божественными светы священных Твоих  
учений, законом и пророки светивый миру,  
последй же нам того Единороднаго Твоего  
Сына благоволивый плотию возсияти и ко  
осиянию нас Твоего просвещения настави-  
ти: да будут уши Твой внемлюще гласу молé-  
ния нашего, и даруй нам, Бóже, во бденном  
и трезвенном сердце, всю настоящаго жития  
нощь прейти, ожидающим пришествия Сына  
Твоего и Бóга нашего, Судий всех, да не воз-  
лежаще и спяще, но бодрствующе и воздвй-  
жени в делание заповедей Твоих обрящемся  
и в радость Его совнидем, идеже праздную-  
щих глас непрестанный и неизреченная сла-  
дость зрящих Твоего лица доброту неизгла-  
голанную. Яко Благ и Человеколюбец Бог еси,  
и Тебе славу возсылаем, Отцу и Сыну и Свя-  
тому Духу, ныне и присно и во веки веков.  
Аминь.

## Кафизма 2

1 **В конец, о тайных сына,**  
псалом Давиду, 9.

2 Исповемся Тебе, Господи, всем сердцем  
3 моим, повею вся чудеса Твоя. Возвеселю-  
ся и возрадуюся о Тебе, пою имени Твоему,  
4 Вышний. Внегда возвратится врагу моему  
вспять, изнемогут и погибнут от лица Твоего.  
5 Яко сотворил еси суд мой и прою мою, сел еси  
6 на Престоле, судяй правду. Запретил еси язы-  
ком, и погибе нечестивый, имя его потребил  
7 еси в век и в век века. Врагу оскудеша ору-  
жия в конец, и грады разрушил еси, погибе  
8 память его с шумом. И Господь во век пребы-  
9 вает, уготова на суд Престол Свой, и Той су-  
дiti имать вселенней в правду, судiti имать  
10 людем в правоте. И бысть Господь прибежи-  
ще убогому, помощник во благовремениих,  
11 в скорбех. И да уповают на Тя знающии имя  
Твое, яко не оставил еси взыскающих Тя, Гос-  
12 поди. Пойте Господеву, живущему в Сионе,  
13 возвестите во языцех начинания Его, яко  
взыскаей крови их помяну, не забы звания

14 убо́гих. Помилуй мя, Го́споди, виждь смире́-  
ние моё от враг мо́их, вознося́й мя от врат  
15 сме́ртных. Я́ко да возвещу́ вся хвалы́ Твоя́ во  
вратѣх дщѣре Сио́ни, возра́дуемся о спасѣ-  
16 нии Твоём. Углебо́ша язы́цы в па́губе, ю́же со-  
твори́ша, в се́ти сей, ю́же скры́ша, увязе́ нога́  
17 их. Зна́емь есть Го́сподь судьбы́ творя́й, в де́-  
18 лех руку́ своею́ увязе́ грѣшник. Да возвратя́т-  
ся грѣшницы во ад, вси язы́цы забыва́ющие  
19 Бо́га. Я́ко не до конца́ забвѣн бу́дет ни́щий,  
20 терпе́ние убо́гих не поги́бнет до конца́. Вос-  
кресни́, Го́споди, да не кре́пится челове́к, да  
21 сужда́тся язы́цы пред Тобо́ю. Поста́ви, Го́споди,  
законоположи́теля над ни́ми, да разуме́ют  
22 язы́цы, я́ко челове́цы суть. Вску́ю, Го́споди,  
отстоя́ далече, презира́еши во благовре́ме-  
23 ниих, в ско́рбех? Внегда́ горди́тися нечести́-  
вому, возгара́ется ни́щий, увяза́ют в советѣх,  
24 я́же помышля́ют. Я́ко хвали́мь есть грѣшный  
в по́хотех души́ своея́, и обидя́й благослови́мь  
25 есть. Раздражи́ Го́спода грѣшный, по мно́же-  
ству гнева́ своего́ не взы́щет, несть Бо́га пред  
26 ним. Оскверня́ются пути́е его́ на всякое вре́-  
мя, отъёмлю́тся судьбы́ Твоя́ от лица́ его́, все́-  
27 ми враги́ своими́ облада́ет. Рече́ бо в се́рдце

своём, не подвижуся от рода в род без зла,  
28 егóже клятвы устá егó полна суть, и гóрести  
29 и лъсти, под язы́ком егó труд и болéзнь. При-  
седíт в ловíteльстве с богáтыми в тáйных,  
éже убíти неповíннаго, óчи егó на нíщаго  
30 призира́ете. Ловít в тáйне, я́ко лев во оградé  
своёй, ловít éже восхítити нíщаго, восхí-  
тити нíщаго, внегда́ привлещí и в сéти сво-  
31 ёй. Смирít егó, преклóнится и падёт, внегда́  
32 ему́ обладáти убóгими. Речé бо в сёрдце сво-  
ём: забы́ Бог, отвратí лицé Своё, да не вíдит  
33 до концá. Воскреснí, Гóсподи Бóже мой, да  
вознесётсá рукá Твоjá, не забúди убóгих Тво-  
34 их до концá. Чесó рáди прогнёва нечестíвый  
35 Бóга? Речé бо в сёрдце своём: не взы́щет. Вí-  
диши, я́ко Ты болéзнь и я́рость смотре́еши,  
да прéдан бúдет в рúце Твои́, Тебé оста́влен  
36 есть нíщий, сíру Ты бúди помóщник. Сокру-  
шí мы́шцу грéшному и лука́вому, взы́щется  
37 грех егó и не обря́щется. Госпóдь Царь во век  
и в век вéка, погíбнете, язы́цы, от землí Егó.  
38 Желáние убóгих услышал есí, Гóсподи, уго-  
39 тóванию сёрдца их внят úхо Твоё. Судí сíру  
и смире́ну, да не приложít ктому́ величáти-  
ся человек на землí.

**В конѣц,  
псаломъ Давиду, 10.**

- <sup>1</sup> На Господа уповахъ, како речете души мо-  
<sup>2</sup> ей: превитай по горамъ, яко птица? Яко се  
грѣшницы налякоша лукъ, уготоваша стрѣлы  
въ туле, состреляти во мрѣце правыя серд-  
<sup>3</sup> цемъ. Зане яже Ты совершилъ еси, они разрушиша,  
праведникъ же что сотвори? Гос-  
<sup>4</sup> подь во храмѣ святѣмъ Своѣмъ. Господь, на  
Небеси Престолъ Его, очи Его на нищаго при-  
зираете, вѣжди Его испытаете сыны чело-  
<sup>5</sup> вѣческия. Господь испытаетъ праведнаго  
и нечестиваго, любяй же неправду ненави-  
<sup>6</sup> дитъ свою душу. Одождитъ на грѣшники сѣти,  
огнь и жупелъ, и дух буренъ часть чаши ихъ.  
<sup>7</sup> Яко праведенъ Господь, и правды возлюбилъ,  
правоты виде лице Его.

Слава Отцу и Сыну и Святому Духу,  
и ныне и присно и во веки вековъ. Аминь.

Аллилуиа, аллилуиа, аллилуиа, слава  
Тебѣ, Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу,  
и ныне и присно и во веки вековъ. Аминь.